

Na súa virtude, por proposta dos ministros de Sanidade e Consumo, de Agricultura, Pesca e Alimentación, de Economía e de Ciencia e Tecnoloxía, de acordo co Consello de Estado e logo da deliberación do Consello de Ministros na súa reunión do día 28 de xullo de 2000,

DISPÓN O:

Artigo único. *Substitución do anexo da regulamentación técnico-sanitaria para a elaboración, circulación e comercio de preparados alimenticios para réximes dietéticos e/ou especiais, aprobada polo Real decreto 2685/1976, do 16 de outubro.*

Substitúe o anexo da Regulamentación técnico-sanitaria para a elaboración, circulación e comercio de alimentos para réximes dietéticos e/ou especiais, aprobada polo Real decreto 2685/1976, do 16 de outubro, e modificada polo Real decreto 1809/1991, do 13 de decembro, polo anexo que figura na presente disposición.

«ANEXO

Grupos de produtos alimenticios destinados a unha alimentación especial para os que se establecerán disposicións específicas mediante regulamentacións técnico-sanitarias específicas:

- a) Preparados para lactantes e preparados de continuación.
- b) Alimentos elaborados a base de cereais e alimentos infantís para lactantes e nenos de curta idade.
- c) Alimentos destinados a seren utilizados en dietas de baixo valor enerxético para redución de peso.
- d) Alimentos dietéticos destinados a usos médicos especiais.
- e) Alimentos adaptados a un intenso desgaste muscular, sobre todo para os deportistas.
- f) Alimentos destinados ás persoas afectadas de perturbacións no metabolismo dos glúcidos (diabéticos).»

Disposición derradeira primeira. *Título competencial.*

O disposto no presente real decreto dítase ó abeiro do establecido no artigo 149.1.10.^a e 16.^a da Constitución e en virtude do disposto no artigo 40.4 da Lei 14/1986, do 25 de abril, xeral de Sanidade.

Disposición derradeira segunda. *Entrada en vigor.*

O presente real decreto entrará en vigor o día seguinte ó da súa publicación no Boletín Oficial del Estado.

Dado en Palma de Mallorca o 31 de xullo de 2000.

JUAN CARLOS R.

O vicepresidente primeiro do Goberno
e ministro da Presidencia,
MARIANO RAJOY BREY

14591 *REAL DECRETO 1445/2000, do 31 de xullo, polo que se modifica o Real decreto 490/1998, do 27 de marzo, polo que se aproba a regulamentación técnico-sanitaria específica dos alimentos elaborados a base de cereais e alimentos infantís para lactantes e nenos de curta idade.* («BOE» 183, do 1-8-2000.)

O Real decreto 490/1998, do 27 de marzo, aprobou a regulamentación técnico-sanitaria específica dos ali-

mentos elaborados a base de cereais e alimentos infantís para lactantes e nenos de curta idade, que foi actualizada mediante a orde do 14 de xullo de 1999, incorporando ó noso ordenamento xurídico as directivas 96/5/CE, do 16 de febreiro, e 98/36/CE, do 2 de xuño, respectivamente.

Estes produtos non deben conter ningunha substancia en cantidade suficiente para poñer en perigo a saúde dos lactantes e nenos de curta idade, debendo determinarse canto antes os niveis máximos necesarios referentes a esas substancias.

Por iso, nos casos en que as probas científicas pertinentes sexan insuficientes, o principio de precaución permite adoptar provisionalmente medidas, atendendo á información dispoñible, á espera dunha avaliación suplementaria do risco e unha revisión da medida, transcorrido un período de tempo razoable.

Así mesmo, tendo en conta que segundo os dictames do Comité Científico da Alimentación Humana no momento presente é dubidoso que os actuais valores da dose diaria admisible (DDA) sexan adecuados para a protección da saúde deste grupo de poboación e que as dúbidas expresadas se refiren, non só ós praguicidas e ós seus residuos, senón tamén ás substancias químicas perigosas, se está estudando a posibilidade de establecer, en breve, uns niveis máximos para os metais pesados nos alimentos destinados a lactantes e nenos de curta idade.

En consecuencia, para estes produtos, dado o colectivo ó que van destinados, procede establecer un límite común moi baixo para tódolos praguicidas, que equivale na práctica ó nivel detectable mínimo.

Con posterioridade, introduciranse os anexos relativos ós «niveis máximos específicos de praguicidas nos alimentos elaborados a base de cereais e nos alimentos infantís» e ós «praguicidas que non se utilizarán nos produtos agrícolas que van ser utilizados como materias primas para a elaboración dos produtos regulados por esta norma», co fin de fabricar produtos que non conteñan eses praguicidas concretos.

Por este motivo, a Comisión Europea adoptou a Directiva 99/39/CE, do 6 de maio, pola que se modifica a Directiva 96/5/CE, relativa ós alimentos elaborados a base de cereais e alimentos infantís para lactantes e nenos de curta idade, que se incorpora ó noso ordenamento xurídico interno mediante esta disposición.

Na elaboración desta disposición foron oídos os sectores afectados e emitiu o seu preceptivo informe a Comisión Interministerial para a Ordenación Alimentaria.

Na súa virtude, por proposta dos ministros de Sanidade e Consumo, de Agricultura, Pesca e Alimentación, de Economía e de Ciencia e Tecnoloxía, de acordo co Consello de Estado e logo de deliberación do Consello de Ministros na súa reunión do día 28 de xullo de 2000,

DISPÓN O:

Artigo único. *Modificación do Real decreto 490/1998, do 27 de marzo, polo que se aproba a regulamentación técnico-sanitaria específica dos alimentos elaborados a base de cereais e alimentos infantís para lactantes e nenos de curta idade.*

O Real decreto 490/1998, do 27 de marzo, queda modificado nos seguintes termos:

1. No artigo 2. Definicións e clasificación, engadírase o punto 4 seguinte:

«4. “Residuo de praguicida”: o residuo contido nos alimentos elaborados a base de cereais e nos alimentos infantís procedente dun produto fitosanitario, incluídos os seus metabolitos e produtos

resultantes da súa degradación ou reacción, definido no artigo 2, punto 2, do Real decreto 2163/1994, do 4 de novembro, polo que se implanta o sistema harmonizado comunitario de autorización para comercializar e utilizar produtos sanitarios.»

2. No artigo 3. Elaboración e composición, engadirase o punto 6 seguinte:

«6. Os alimentos elaborados a base de cereais e os alimentos infantís non conterán residuos de praguicidas en niveis superiores ós 0,01 mg/kg de produto listo para o consumo ou reconstituído conforme as instrucións do fabricante.

Os ditos niveis aplicaranse ós alimentos elaborados a base de cereais e ós alimentos infantís listos para o consumo ou reconstituídos conforme as instrucións do fabricante.

Os métodos analíticos de determinación dos niveis de residuos de praguicidas serán métodos normalizados xeralmente aceptados.»

Disposición transitoria única. *Prórroga de comercialización.*

Os produtos alimenticios ós que se refire este real decreto que non se axusten ó nel establecido, pero que cumpran o disposto na normativa vixente na data da súa entrada en vigor, poderán seguir comercializándose ata o 30 de xuño de 2002.

Disposición derradeira primeira. *Título competencial.*

O disposto neste real decreto dítase ó abeiro do establecido no artigo 149.1.16.^a da Constitución española e en virtude do disposto no artigo 40.2 da Lei 14/1986, do 25 de abril, xeral de sanidade.

Disposición derradeira segunda. *Entrada en vigor.*

Este real decreto entrará en vigor o día seguinte ó da súa publicación no «Boletín Oficial del Estado».

Dado en Palma de Mallorca o 31 de xullo de 2000.

JUAN CARLOS R.

O vicepresidente primeiro do Goberno e ministro da Presidencia,
MARIANO RAJOY BREY

14592 REAL DECRETO 1446/2000, do 31 de xullo, polo que se modifica o Real decreto 72/1998, do 23 de xaneiro, polo que se aproba a regulamentación técnico-sanitaria específica dos preparados para lactantes e preparados de continuación. («BOE» 183, do 1-8-2000.)

O Real decreto 72/1998, do 23 de xaneiro, que aproba a regulamentación técnico-sanitaria específica dos preparados para lactantes e preparados de continuación, incorporou ó noso ordenamento xurídico a Directiva 96/4/CE, do 16 de febreiro, pola que se leva a cabo a modificación da Directiva 91/321/CEE, da Comisión, do 14 de maio.

Estes produtos non deben conter ningunha substancia en cantidade suficiente para poñer en perigo a saúde dos lactantes e nenos de curta idade, debendo determinarse canto antes os niveis máximos necesarios referentes a esas substancias.

Así mesmo, nos casos nos que as probas científicas pertinentes sexan insuficientes, o principio de precaución

permite adoptar provisionalmente medidas atendendo á información dispoñible, na espera dunha avaliación suplementaria do risco e dunha revisión da medida transcorrido un período de tempo razoable.

Ademais, tendo en conta que segundo os dictames do Comité Científico da Alimentación Humana no momento presente é dubidoso que os actuais valores da dose diaria admisible (DDA) sexan adecuados para a protección da saúde dos lactantes e nenos de curta idade e que as dúbidas expresadas se refiren, non só ós praguicidas e ós seus residuos, senón tamén ás substancias químicas perigosas, estase estudando a posibilidade de establecer, en breve, uns niveis máximos para os metais pesados nos alimentos destinados a este grupo de poboación.

No caso destes produtos, dado o colectivo ó que van destinados, procede establecer un límite común moi baixo para tódolos praguicidas, que equivale na práctica ó nivel detectable mínimo.

Con posterioridade, introducirase un anexo relativo ós praguicidas que non se utilizarán nos produtos agrícolas que van ser utilizados como materias primas para a elaboración dos produtos regulados por esta norma, co fin de fabricar produtos que non conteñan eses praguicidas concretos.

Por todo iso, a Comisión Europea adoptou a Directiva 99/50/CE, do 25 de maio, pola que se modifica a Directiva 91/321/CEE, relativa ós preparados para lactantes e preparados de continuación, que se incorpora ó noso ordenamento xurídico interno mediante esta disposición.

Na elaboración desta disposición foron oídos os sectores afectados e emitiu o seu preceptivo informe a Comisión Interministerial para a Ordenación Alimentaria.

Na súa virtude, por proposta dos ministros de Sanidade e Consumo, de Agricultura, Pesca e Alimentación, de Economía e de Ciencia e Tecnoloxía, de acordo co Consello de Estado e logo da deliberación do Consello de Ministros na súa reunión do día 28 de xullo de 2000,

DISPONGO:

Artigo único. *Modificación do Real decreto 72/1998, do 23 de xaneiro, polo que se aproba a regulamentación técnico-sanitaria específica dos preparados para lactantes e preparados de continuación.*

O Real decreto 72/1998, do 23 de xaneiro, queda modificado nos seguintes termos:

1. No artigo 2 engadirase o punto 5 seguinte:

«5. “Residuos de praguicida”: O residuo contido nos preparados para lactantes e nos preparados de continuación procedente dun produto fitosanitario, incluídos os seus metabolitos e produtos resultantes da súa degradación ou reacción, definido no artigo 2, punto 2 do Real decreto 2163/1994, do 4 de novembro, polo que se implanta o sistema harmonizado comunitario de autorización para comercializar e utilizar produtos sanitarios.»

2. No artigo 4, punto 2: Preparados para lactantes e preparados de continuación, engadirase o parágrafo f) seguinte:

«f) Os preparados para lactantes e os preparados de continuación non conterán residuos de praguicidas en niveis superiores ós 0,01 mg/Kg de produto listo para o consumo ou reconstituído conforme as instrucións do fabricante.

Os métodos analíticos de determinación dos niveis de residuos de praguicidas serán métodos normalizados xeralmente aceptados.»